



Musica popolare: Intervista cun la presidenta dal CO Christine Egerszegi

La cussegliera dals chantuns Christine Egerszegi presidescha la Festa federala da musica populara 2015 ad Aarau

Da gievgia, ils 10 fin dumengia, ils 13 settember 2015 ha lieu la Festa federala da musica populara ad Aarau. La cussegliera dals chantuns Christine Egerszegi ha il presidi dal comité d'organisaziun da var 30 persunas.

Gia èn ils tschintg sponsurs principals en bartga e las preparativas van cun tutta forza. Durant il settember 2015 vegn la citad veglia dad Aarau a sa transformar en ina allegra piazza da festa da la musica populara.

Christine Egerszegi, già èn en bartga tut ils tschintg sponsurs principals per la Festa federala 2015. La festa da musica populara para da vegnir beneventada già fitg baud cordialmain?

Gea, sco ch'ins vesa avain nus savì render vesavel e far sentir en moda persvadenta noss plaschair vi da l'organisaziun da questa gronda festa.

Tge signifitga a Vus persunalmain la musica, en particular la musica populara?

Musica fa part, dapi mia uffanza, da mia vita. Nus chantavan e faschevan savens musica da cumpagnia. Cun la musica populara colliel jau allegria, collegialitad e cumpagnia divertai vla.

La promoziun da talents musicals en Svizra è d'interess public. Avant 30 onns era quai tut normal che praticamaing mintga scolar sunass in instrument. È quai er anc oz uschia?

I dat classas da la scola primara che n'han en ils davos 3 onns mai ni sunà ni chantà. Musica vegn be anc tadlada. Perquai avain nus cumbattì cun l'iniziativa „giuventetgna e musica“ per che questa part da nossa cultura, las grondiusas chanzuns en quatter linguas naziunalas, na gajan betg a perder.

Tge interprend'ins en la scolina ed en las classas da scola, per ch'uffants e giuvenils cun dun musical possian vegnir promovids già baud?

En tscherts lieus vegnan uffants familiarisads tras la scola elementara da musica cun notas e ritems en moda ludica. La veritabla promoziun en las scolas da musica è dentant detg chara. Tar nus a la scola da musica custa emprender in instrument, per uffant, var 1500 francs ad onn. Quai è simplamain bler, per famiglias cun plirs uffants.

Tar blers sponsurs da grondas occurrenzaz naziunalas ha la «swissness» en ils davos onns acquistà impurtanza. È quai era in schanza per la musica populara da porscher a la giuventetgna in access pli vast?

Medienmitteilung

Aarau, 27. Februar 2014



11. bis 13. 09. 2015
Eidgenössisches Volksmusikfest
Festa federale della musica popolare
Festa federala da la musica populara
Fête fédérale de la musique populaire

Gea, quai è segir. L'arpret, l'orgelet da maun da Sviz e giuns èn instruments attractivs. Virtuus, sco per exempel Nicolas Senn, fascineschan blers giuvenils.

La citad veglia dad Aarau vegn a daventar en il settember 2015 il center da la musica populara. Da tge sa pon las visitaduras ed ils visitadurs allegrar?

Quai dat segiramain ina festa sgiagliada ed allegra. Nus cumenzain la gievgia cun musica populara dad auters pajais, il venderdi stat sin il program il far musica da giuven e vegl, la sonda è planisada la saira da festa e la dumengia l'act festal da la festa federala. Nus spetgain per tut ils dis ina rotscha da gruppas e furmaziuns da l'entira Svizra che mussan a nus lur savair musical.

Aarau ha experientscha cun organisar festas. Il 2005 la festa federala dals jodladers, il 2007 la festa federala da lutga alpestra, il 2010 la festa federala da tir ed il 2015 la musica populara. Sentis Vus l'experientscha da festas naziunalas en Voss comité d'organisaziun?

Quai è propi impressiunant. Bunamain tut las caricass èn ocupadas cun commembers cun experientscha, - danor il presidi dal CO, quel han adina presidià da mes collegas. Uschia hai jau propi stuè far en las mongias, per ch'ins vesia ch'era dunnas èn capablas da far quai...

Christine Egerszegi, sche Vus essas en viadi cun l'auto, sche cun tge musica stuais Vus midar emettur e cura augmentais Vus il volum?

Sche quai be tugna electronicamain, tugn tugn: en tact regular, mechanic, stinà, senza olma, lura met jau giu. Fitg bleras chanzuns popularas accumpogn jau ad auta vusch!

Sper la gronda lavur organisatorica regna segiramain gia uss plaschair anticipà per la festa. Per tge As allegrais Vus oravant tut?

Jau ma legrel enorm da pudair spassegiar tras la bella citad veglia e d'udir da tut las varts melodias che fan quaida da sautar, da vesair sauts alleghers e dad entupar bleras fatschas cuntentas sut cun aura splenduranta!

((Legende zu Foto:)) Christine Egerszegi, presidenta dal CO da la Festa federala da musica populara 2015 ad Aarau